

29. maj 2017

Kalaallit Nunaanni inatsisinik atuutsitsinermut tunngasut Danmarkimisut pitsaassuseqaler-nissaat qulakkeerniarlugu qanoq siuarsarneqarnissaannut apeqquteqaat aallaavigalugu oqallinnissamut siunnersuut.

(Inatsisartunut ilaasortaq Debora Kleist, Inuit Ataqtigiit)

Siullermik apeqquteqaat aallaavigalugu oqallinnissamik siunnersuuteqartoq Debora Kleist Inuit Ataqtigiinneersoq matumangga Inatsisartuni oqallissaarutaanut Siumumiit qutsavigiumavarput.

Eqqartuussiveqarnek pillugu Isumalioqatigiissitap inassuteqaatai tamakkerlugit suli piviusunngortin neqarsimangillat, taamaattumillu timitaliiniarluni sulinerup ingerlaannarnissaannik qulakkeerinnin-nissaq pingaaruteqartorujussuuvoq.

Siumumi isumaqarpugut inatsisinik atuutsitsinermut tunngassuteqartuni oqartussaaffiup iluani nunarput eqqarsaatigalugu suliniutissanik suli unammilligassarpassuaqartugut.

Eqqartuussiveqarnerup iluani sulisoqarnikkut pissutsit pitsaanagerusariaqarnerannik, eqqartuussive-qarnerup iluani sulisut piginnaangorsartuarneqarnissaannut ilinniartinneqartuarnissaannullu angu-niagaqarnek, eqqartuussiveqarnerup iluani ullutsinnut naleqquttunik illutatigut, atortorissaarutitigut pitsangorsaaajuarnissanut anguniagaqarnek tassaapput Siumumi allat peqatigalugit pingaar-tilluinnarlugit iliuseqarfiginiartuarsimasagut.

Pinerluttunik isumaginnittoqarfik eqqarsaatigalugu ikaarsaariarneq annertoq qanittunnguami pisussaasoq tamatta ilisimavarput, tassami isertitsivittaasaq matoqqasortalik nunatsinni pineqaa-tissinneqarsimasunut atorineqalertussaagut piviusunngortussaavoq, taassumalu pitsaaqutitut akornutitullu unammilligassartai aamma ikaarsaariarnermi pinngitsooratik inuiaqatigiinnut sunniu-teqaatissai suujumaassanersut saqqummeralertussaassallutik.

Tamakku tamaasa eqqarsaatigalugit unammilligassaagut annertoq qanimut malinnaavigeqqissaar-neqarnissaa Siumumiit kaammattuutigerusupparput.

Pinerluttunik isumaginnittoqarfiup iluani inissiisarfinni paarsisut ilinniartinneqartuarnissaat Siumumi aamma pingaartitaraarput, ilaatigummi aamma matoqqasumik isertitsiveqalernissap tamanna pisariaqartittuartaavaa.

Politeeqarnek eqqarsaatigalugu oqallissaaruteqartoq isumaqatigaarput akissaatitigut naligiimmik atugassaqarfiunissaanik oqariartuuteqarneranut, taamaattorli nunatsinni politiit sularisartagaat qissimigaaraanni isaasalerlugu suna tamaat sularisariaqartarpaat pinerluutaanaat kisiisa pinnagit. Taamaattumik sulisutigut naligiimmik atugassaqarnek minnerpaamik anguneqartariaqarpoq, sulili pitsaanagerusumik angusaqartoqarsinnaanera periarfissaasutut Siumumiit isumaqarfigaarput nunat-sinni politiit sulineranni avatangiisit sakkortusinnaasarnerat eqqarsaatigalugu.

Siumumi ernunamartoqartipparput nunaqarfiit ilaanni kommunefogedinik amigaateqartuarnerup qaangeruminaatsutut innera, taassumallu ajunngitsup tungaanut saatinneqarnissaanut sulinerup suli nukittorsartuarneqarnissaa Siumumiit piumasaralutigu.

Politiit sinerissami illoqarfinni "agguataagaanerat" ukiuni kingullerni ilaatigut piffiit ataasiakkaat eqqarsaatigalugit annertuumik allanngortoqarsimavoq, tassami illoqarfiit mikinerusut politeeqar-nikkut siornatigornit ikinnerungaartunik inuttaqartinneqartalersimanagerat innuttaasunit toqqissisi-

manartinneqanngeqisoq tusartualersimagatsigu. Taassumap paasisaqarfigilluarnissaa pingaaruteqarpoq iliuusissamillu pitsaasumik nassaarnissaq iliuusissaasariaqarluni.

Siumumi oqallissaaruteqartutuulli isumaqarpugut politiit sulinerminni illutatigut isertitsiveqarnikkullu atugaat ullutsinnut naleqqussartariaqartut.

Naggataatigut Naalagaaffiup Kalaallit Nunaanni suliassa qarfimmi pineqartumi pitsaassuseq Danmarkimi pitsaassutsimut naleqquttup piviusunngortinnissaanut sulinerata suli ullumikkornit sakkortunerusumik suleriaaseqarluni ingerlatsiviunissaa Siumumiit kissaatigaarput, tamannalu ilaatigut maani Inatsisartuni aamma sulinitinni qanimut malinnaavigalugu suleqataaffigalugulu pinitsigut qulakkeeqataaffigisinnaavarput.

Taamatut Siumumiit oqaaseqaateqarluta partiit oqallilluarnissaannik kissaappagut.

Anders Olsen
Siumut